



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADSKO VIJEĆE

Broj: 01-GV-02-1243/22
Datum, 26.07.2022. godine

Na osnovu člana 26. stav 1. tačka 2. i člana 74. stav 1. Statuta Grada Sarajeva („Službene novine Kantona Sarajevo”, broj 34/08 – prečišćeni tekst), Gradsko vijeće Grada Sarajeva, na 18. sjednici održanoj dana 26.07.2022. godine, primilo je k znanju

Informaciju o realizaciji vijećničkih pitanja i inicijativa za tekuću godinu.

PREDSJEDAVAJUĆI GRADSKOG VIJEĆA

Jasmin Ademović, s.r.

Adresa: Hamdije Kreševljakovića 3
71000 Sarajevo, BiH
Tel: +387 33 216 659
Fax: +387 33 205 874
Email: gsgv@sarajevo.ba
Web: gradskovijece.sarajevo.ba





Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNICA

*INFORMACIJA
O REALIZACIJI VIJEĆNIČKIH PITANJA I INICIJATIVA
ZA TEKUĆU GODINU*

Sarajevo, juli 2022. godine

Adresa: Hamdije Kreševljakovića 3
71000 Sarajevo, BiH
Tel: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



I UVOD

Programom rada Gradskog vijeća Grada Sarajeva za 2022. godinu, broj: 01-GV-02-1776/21 od 29.12.2021. godine za mjesec juli, planirano je razmatranje Informacije o realizaciji vijećničkih pitanja i inicijativa za tekuću godinu.

Informacija sadrži pregled odgovora na vijećnička pitanja i realizaciju inicijativa.

Članom 148. Poslovnika Gradskog vijeća Grada Sarajeva („Službene novine Kantona Sarajevo“, br. 28/09, 11/20 i 19/20), propisano je sljedeće:

„Član 148.

(1) Svaki gradski vijećnik, klub vijećnika ili radno tijelo Gradskog vijeća mogu postaviti vijećničko pitanje ili inicijativu određenom subjektu.

(2) Na svakoj sjednici Gradskog vijeća posljednja tačka dnevnog reda je tačka: Vijećnička pitanja i inicijative.

(3) Vijećnička pitanja i inicijative se postavljaju usmeno ili pismeno na sjednici Gradskog vijeća, a kada se to od Gradskog vijeća zatraži i to Gradsko vijeće podrži većinom glasova izabranih gradskih vijećnika, iznesena inicijativa postaje inicijativa Gradskog vijeća.

(4) Postavljena vijećnička pitanja i inicijative formuliraju se u pismenoj formi kao poseban akt Gradskog vijeća i dostavljaju nadležnom organu na razmatranje.

(5) Nadležni organ Grada Sarajeva kome se vijećničko pitanje ili inicijativa dostavi na realizaciju dužan je dostaviti odgovor na postavljeno vijećničko pitanje iz nadležnosti organa Grada Sarajeva do naredne sjednice Gradskog vijeća, odnosno o realizaciji upućene inicijative iz nadležnosti Grada Sarajeva izvijestiti Gradsko vijeće do naredne sjednice.

(6) Ukoliko pitanja odnosno inicijative nisu iz nadležnosti Grada Sarajeva, odnosno nisu upućene gradonačelnici, Služba Gradskog vijeća će ih proslijediti nadležnim organima i o tome izvještiti Gradsko vijeće.

(7) Na svakoj sjednici Gradskog vijeća podnosi se informacija o realizaciji vijećničkih pitanja i inicijativa, u sklopu obavezne tačke dnevnog reda sjednice.“

II PITANJA, INICIJATIVE I ODGOVORI

Informacijom o realizaciji vijećničkih pitanja i inicijativa za tekuću godinu obuhvaćena je realizacija vijećničkih pitanja i inicijativa koje su dostavljene gradonačelnici, i to: Vijećnička pitanja i inicijative sa 11. sjednice Gradskog vijeća Grada Sarajeva održane 26.01.2022. godine, Vijećnička pitanja i inicijative sa 12. sjednice Gradskog vijeća Grada Sarajeva održane 23.02.2022. godine, Vijećnička pitanja i inicijative sa 14. sjednice Gradskog vijeća Grada Sarajeva održane 04.04.2022. godine, Vijećnička pitanja i inicijative sa 15. sjednice Gradskog vijeća Grada Sarajeva održane 27.04.2022. godine i vijećnička pitanja i inicijative sa 16. sjednice Gradskog vijeća Grada Sarajeva održane 01.06.2022. godine, kao i vijećnička pitanja i inicijative upućene na sjednicama Gradskog vijeća Grada Sarajeva u 2021. godini, a čiji su odgovori pristigli u tekućoj godini.

Najveće interesovanje, kao i broj upućenih pitanja i inicijativa, odnosio se prema Službi za urbano planiranje, investicije, stambene i komunalne poslove.

Odgovori na vijećnička pitanja i inicijative dati su kako slijedi:

- 1. Na 11. sjednici Gradskog vijeća Grada Sarajeva, održanoj 26.01.2022. godine, Klub gradskih vijećnika Narod i Pravda uputio je inicijativu sljedećeg sadržaja:**

„Potrebno je da Grad Sarajevo razmotri mogućnost finansijske pomoći za obnovu amfiteatra Franjevačke teologije u Sarajevu, koja je jedna od najstarijih i najuglednijih visokoškolskih ustanova u Bosni i Hercegovini, ali i jedina Franjevačka teologija u regiji i šire.“

Odgovor:

U Budžetu Grada Sarajeva za 2022. godinu nisu poredviđena sredstava za realizaciju predmetne inicijative.

- 2. Gradski vijećnik Seid Škaljić, na 11. sjednici Gradskog vijeća Grada Sarajeva održanoj 26.01.2022. godine, uputio je inicijativu da Grad Sarajevo razmotri mogućnost finansiranja podrške za nabavku vozila Gorskoj službi spašavanja Sarajevo, jer je ostala bez vozila prilikom jedne od posljednjih intervencija.**

Odgovor:

U odgovoru na inicijativu gradskog vijećnika Seida Škaljića, slobodni smo podsjetiti da su, u Budžetu Grada Sarajeva za 2022. godinu, planirana namjenska sredstva za UG Gorska služba spašavanja Trebević u iznosu od 10.000,00 KM, a u ovom momentu nismo u mogućnosti iznaći dodatna budžetska sredstva za UG Gorska služba spašavanja Sarajevo.

- 3. Na 11. sjednici Gradskog vijeća Grada Sarajeva, održanoj 26.01.2022. godine, gradski vijećnik Almedin Miladin uputio je inicijativu sljedećeg sadržaja:**

„Potrebno je da Grad Sarajevo uputi inicijativu prema nadležnim organima da se preispitaju rešenja iz zakonske, odnosno planske dokumentacije kojima se ograničava građenje na području Darive i Trebevića. Na Trebeviću, u dijelu koji pripada teritoriji RS, uočeno je građenje određenih turističkih i ugostiteljskih sadržaja, a na području Federacije se to oslovljava rigoroznim mjerama, s ciljem očuvanja prirodnog naslijeđa u zaštićenom području Trebevića.“

Odgovor:

Vijećnička inicijativa je prosljeđena Vladi Kantona Sarajevo na razmatranje.

- 4. Na 11. sjednici Gradskog vijeća Grada Sarajeva, održanoj 26.01.2022. godine, gradski vijećnik Almedin Miladin uputio je vijećničku inicijativu sljedećeg sadržaja:**

„Potrebno je da Grad Sarajevo razmotri mogućnost da u saradnji sa nadležnim u Općini Stari Grad sufinansira projekat izgradnje dva javna toaleta na lokalitetu Dariva, a za koji je Općina Stari Grad pripremila projektno-tehničku dokumentaciju.“

Odgovor:

S tim u vezi, obavještavamo Vas da Grad Sarajevo podržava inicijativu te će se obratiti Općini Stari Grad za sufinansiranje izgradnje dva javna toaleta na lokalitetu Dariva u cilju sklapanja Sporazuma po navedenom i utvrđivanja uslova realizacije ovog projekta.

5. Vijećnica Gradskog vijeća Grada Sarajeva Danijela Šahat podnijela je inicijativu, broj 07-04-283/12 od 14.01.2022. godine, sljedećeg sadržaja:

Da se pacijentima Doma Nahorevo – Dom za socijalno zbrinjavanje osoba s invaliditetom i drugih osoba obezbijedi jednodnevna vožnja žičarom, kao i obilazak Vijećnice.

Odgovor:

U Budžetu Grada Sarajeva za 2022. godinu („Službene novine Kantona Sarajeva“, broj 2/22) nisu planirana sredstva za ovu namjenu.

Navedena inicijativa prosljeđena je JP Sarajeva d.o.o. koje upravlja objektom Vijećnica i žičarom, kako bi se razmotrila mogućnost realizacije iste.

U prilogu odgovor JP Sarajeva d.o.o., broj 01-05-270 od 11.02.2022. godine.

6. Na 12. sjednici Gradskog vijeća Grada Sarajeva, održanoj 23.02.2022. godine, zamjenica predsjedavajućeg Gradskog vijeća Grada Sarajeva Mirela Džehverović uputila je vijećničko pitanje sljedećeg sadržaja:

„Potrebno je, u pisanoj formi, dostaviti informaciju o tome gdje je usmjerena medicinska oprema koju je Turska agencija za saradnju i koordinaciju (TIKA) donirala Gradu Sarajevu?“

Odgovor:

Ugovorom o poklonu između Grada Sarajeva i Turske agencije za saradnju i koordinaciju – TIKA, broj: 01-14-2728/18 od 08.05.2018. godine, Gradu Sarajevu je poklonjena medicinska oprema, namještaj i mobilijar namijenjen za korištenje u humanitarne svrhe.

Shodno navedenom ugovoru, vrijednost poklonjene medicinske opreme, namještaja i mobilijara iznosi **437.071,00 KM**.

Također, TIKA kao poklonodavac saglasna je da Grad Sarajeva kao poklonoprimac može dati medicinsku opremu, namještaj i mobilijar Medicinskoj asocijaciji BIMA u BiH na korištenje, a koja će opremu koristiti u humanitarne svrhe.

Odlukom gradonačelnika Sarajeva, broj: 01-14-2729/18 od 08.05.2018. godine, medicinska oprema, namještaj i mobilijar ustupljena je na privremeno korištenje Medicinskoj asocijaciji BIMA u BiH. Zapisnik o primopredaji donirane opreme sačinjen je 21.05.2018. godine, broj: 01-14-2729-1/18.

Odlukom Gradskog vijeća Grada Sarajeva, broj: 01-GV-02-1290/20 od 30.12.2020. godine, („Službene novine Kantona Sarajeva“, broj 2/21), Grad Sarajeva je poklonio Medicinskoj asocijaciji BIMA u BiH medicinsku opremu, namještaj i mobilijar namijenjen za korištenje u humanitarne svrhe.

Ugovor o poklonu medicinske opreme, namještaja i mobilijara između Grada Sarajeva i Medicinske asocijaciji BIMA u BiH, broj: 01/04-04-6432-2/20, potpisan je 19.01.2021. godine. Članom 2. navedenog ugovora definisano je da će o izvršenoj primopredaji biti sastavljen poseban zapisnik. Ovaj Zapisnik nije pronađen u arhivi Grada Sarajeva.

U prilogu se dostavlja dostupna dokumentacija o poklonjenoj medicinskoj opremi.

- 7. Na 12. sjednici Gradskog vijeća Grada Sarajeva, održanoj 23.02.2022. godine, zamjenica predsjedavajućeg Mirela Džehverović uputila je vijećničku inicijativu sljedećeg sadržaja:**

„Potrebno je da Grad Sarajevo, u što kraćem roku, preduzme mjere i aktivnosti da se izvrši provjera diploma svih uposlenih u administraciji Grada Sarajeva, Pravobranilaštvu Grada Sarajeva, javnim preduzećima „Sarajevo“ d.o.o. i „Olimpijski bazen Otoka“ d.o.o., te u Javnoj ustanovi „Gradski muzeji“ d.o.o.“

Odgovor:

Gradska uprava Grada Sarajeva će preduzeti sve mjere i pripremne radnje kako bi ova inicijativa bila provedena u narednom periodu, o čemu će Gradsko vijeće Grada Sarajeva biti blagovremeno informisano.

- 8. Na 12. sjednici Gradskog vijeća Grada Sarajeva, održanoj 23.02.2022. godine, gradski vijećnik Nihad Uk uputio je vijećničku inicijativu sljedećeg sadržaja:**

„Potrebno je da Grad Sarajevo u saradnji sa nadležnim institucijama, razmotri mogućnost da se 'Sarajevke ruže', memorijalna obilježja u spomen ubijenim građanima tokom opsade Sarajeva, obnove.“

Odgovor:

S tim u vezi, obavještavamo Vas da je nadležna služba već pokrenula određene aktivnosti sa Zavodom za kulturno-historijsko i prirodno naslijeđe, koji vodi evidenciju svih obilježenih mjesta „Sarajevski ruža“ i koji je nadležan za ovo pitanje. Obzirom da za ovu godinu u Budžetu Grada Sarajeva nisu planirana sredstava za obnovu „Sarajevskih ruža“, nadležna služba će uzeti ovu inicijativu u obzir pri planiranju potrebnih sredstava za narednu godinu.

- 9. Na 12. sjednici Gradskog vijeća Grada Sarajeva, održanoj 23.02.2022. godine, gradski vijećnik Ratko Orozović uputio je inicijativu da Grad Sarajevo razmotri mogućnost održavanja tematske sjednice na temu ustavno-pravnog položaja Grada Sarajeva.**

Odgovor:

U odgovoru na inicijativu gradskog vijećnika Ratka Orozovića, slobodni smo podsjetiti da Programom rada Gradskog vijeća Grada Sarajeva za 2022. godinu nije planirana predmetna sjednica, ali ukoliko Gradsko vijeće zauzme stav o održavanju Tematske sjednice, što podrazumijeva određivanje termina održavanja, eventualnog učešća eksperata itd., Gradska uprava Grada Sarajeva, putem nadležnih službi, uzeće aktivno učešće u pripremi sjednice iz djelokruga svoga rada.

- 10. Na 12. sjednici Gradskog vijeća Grada Sarajeva, održanoj 23.02.2022. godine, gradski vijećnik Seid Škaljić uputio je inicijativu Vladi Kantona Sarajevo, odnosno Ministarstvu zdravstva Kantona Sarajevo, sljedećeg sadržaja:**

„Potrebno je ponovno uspostaviti redovan rad ambulante u Brijesću, u općini Novi Grad Sarajevo, a u kojoj se, zbog neredovnog rada, stvaraju velike gužve.“

Odgovor:

Navedena inicijativa upućena je Ministarstvu zdravstva Kantona Sarajevo. Nakon što dobijemo odgovor, o navedenom ćete biti informisani.

11. Na 12. sjednici Gradskog vijeća Grada Sarajeva, održanoj 23.02.2022. godine, vijećnik Vedran Dodik uputio je vijećničko pitanje sljedećeg sadržaja: „Po kojem osnovu, kriteriju i na koji način se primaju volonteri u organu Grada Sarajeva?“

Odgovor:

Plan prijema volontera u organu uprave Grada Sarajeva i stručnim službama Grada Sarajeva koji donosi gradonačelnik/ca utvrđuje se u skladu sa finansijskim i prostornim mogućnostima gradske uprave i stručnih službi Grada Sarajeva, za svaku kalendarsku godinu.

Trenutno je na snazi Plan prijema volontera u organu uprave Grada Sarajeva i stručnim službama Grada Sarajeva za 2022. godinu koji je donijela gradonačelnica Grada Sarajeva dana 31.12.2021. godine pod brojem 01/04-30-7392/21, utvrđen je broj i stručna sprema volontera, kao i program volonterskog staža.

Prema navedenom planu, u 2022. godini su utvrđeni kapaciteti za rad ukupno 10 volontera, od čega:

- 8 (osam) volontera VSS, VII stepen stručne spreme ili visokog obrazovanja, prvog, drugog ili trećeg ciklusa Bolonjskog sistema studiranja – na staž od 12 mjeseci
- 2 (dva) volontera sa završenom SSS – na staž od 6 mjeseci.

Svaki kandidat za volontiranje koji dostavi prijavu sa dokazima o odgovarajućoj stručnoj spremi, ukoliko nije popunjena planirana kvota, može da zaključi ugovor o volontiranju na period propisan Planom.

Ukoliko je planirani broj volontera popunjen, kandidat se pismeno obavještava o tome te mu se pruža prilika da ponovno podnese zahtjev.

12. Na 14. sjednici Gradskog vijeća Grada Sarajeva održanoj 04.04.2022. godine, Odbor za upotrebu lokalnog zemljišta uputio je pitanje sljedećeg sadržaja:

„Odbor za urbanizam i upotrebu lokalnog zemljišta upućuje vijećničko pitanje prema gradonačelnici i nadležnoj službi, da li je Grad Sarajevo do sada finansirao manifestaciju obilježavanja Dana nezavisnosti na Bobovcu, te ako jeste zašto isto nije finansirao i ove godine.“

Odgovor:

Gradska služba za obrazovanje, sport, kulturu i mlade ne raspolaže podacima da je navedena manifestacija finansirana u prethodnom periodu. U obilježavanju datuma od državnog značaja Grad Sarajevo učestvuje u protokolarnom dijelu obilaskom spomenika, mezarja i grobalja na kojima se tom prilikom položi cvijeće.

13. Na 14. sjednici Gradskog vijeća Grada Sarajeva, održanoj 04.04.2022. godine, gradski vijećnik Adi Škaljić uputio je inicijativu sljedećeg sadržaja:

„Potrebno je da Grad Sarajevo razmotri mogućnost pokretanja memorijalizacije žrtava holokausta.“

Odgovor:

S tim u vezi, obavještavamo Vas da Grad Sarajevo podržava inicijativu te će se obratiti višim nivoima vlasti za iznalaženje najadekvatnijeg načina memorijalizacije žrtava holokausta na nivou BiH. Smatramo da ova ideja ne treba biti lokalizovana samo na grad Sarajevo, već kao što je u obrazloženju inicijative navedeno kako je holokaust bio memorijaliziran u bivšoj SFR Jugoslaviji, treba kulturu sjećanja izdići na državni nivo.

Sarajevo kao glavni grad svakako treba inicirati ovu ideju. Vrlo je važno učiti o stradanjima Jevreja u ne tako dalekoj prošlosti, da bi čuvali sjećanja na stradale i ista prenosili na buduće naraštaje.

14. Na 14. sjednici Gradskog vijeća Grada Sarajeva, održanoj 04.04.2022. godine, gradska vijećnica Marijela Hašimbegović uputila je vijećničku inicijativu sljedećeg sadržaja.

„Potrebno je da Grad Sarajevo razmotri mogućnost finansijske podrške projektu 'Gradimo okruženje za bolje i efikasnije učenje' Javne ustanove Osnovna škola Nafija Sarajlić.“

Odgovor:

JU OŠ „Nafija Sarajlić“ obratila se molbom broj: 10-11-958/22 od 09.02.2022. godine za podršku projektu „Gradimo okruženje za bolje i efikasnije učenje“ kojim traže nabavu inventara.

Dana 22.03.2022. godine pod brojem: 10-11-958-1/22 Gradska služba za obrazovanje, sport, kulturu i mlade uputila je odgovor na molbu da, nažalost, nismo u mogućnosti podržati navedeni projekat, jer u Budžetu Grada Sarajeva ne postoji pozicija za ove namjene kako bi smo podržali uređenje i opremanje školskih učionica.

Također, napominjemo da je Grad Sarajevo podržao ovu školu sa 20.000 KM u 2019. godini.

15. Na 14. sjednici Gradskog vijeća Grada Sarajeva, održanoj 04.04.2022. godine, gradski vijećnik Ratko Orozović uputio je inicijativu sljedećeg sadržaja:

„Potrebno je da Grad Sarajevo evidentira spomenike koji nedostaju i pokrene aktivnosti kao bi se ponovo postavili te da poduzme sve mjere zaštite i održavanja spomenika od značaja za Grad Sarajevo.“

Odgovor:

S tim u vezi, obavještavamo Vas da nadležna služba vodi evidenciju spomenika koji su u nadležnosti Grada Sarajeva, odnosno spomenika koji su od značaja za Grad Sarajevo. Stalnim obilaskom terena nije utvrđeno da neki spomenik nedostaje, od njih ukupno 27 koliko se nalazi u Registru spomenika. Nadležna služba će tražiti od Službe za Inspekciju Grada Sarajeva da po službenoj dužnosti provjeri stanje spomenika.

Elaboratom – „Stanje spomenika od značaja za Grad Sarajevo“, kojeg je uradio Zavod za kulturno-historijsko i prirodno naslijeđe KS, definisane su mjere zaštite i tekućeg održavanja za svaki pojedinačni spomenik od značaja za Grad Sarajevo. Nadležna služba na osnovu ovog Elaborata provodi javne nabavke održavanja spomenika u količinama i mjeri kako je definisano.

Napominjemo Vas da je za zaštitu i održavanje svih spomenika, osim 27 spomenika od značaja za Grad Sarajevo, na području Kantona Sarajevo nadležan Zavod za kulturno-historijsko i prirodno naslijeđe KS.

16. Na 14. sjednici Gradskog vijeća Grada Sarajeva, održanoj 04.04.2022. godine, gradski vijećnik Adi Škaljić uputio je inicijativu sljedećeg sadržaja:

„Potrebno je da Grad Sarajevo razmotri mogućnosti finansiranja izrade i postavljanja putokaza ili mape znamenitosti grada Sarajeva na platou iznad podzemne garaže u ulici Avdage Šahinagića (preko puta Vijećnice)“.

Odgovor:

U Budžetu Grada Sarajeva nisu planirana sredstva za ovu namjenu. Razmotrit će se mogućnost planiranja sredstava za ovu namjenu u Budžetu Grada Sarajeva za 2024. godinu, u saradnji s Ministarstvom saobraćaja Kantona Sarajeva i Turističkom zajednicom Kantona Sarajevo.

17. Odbor za lokalni biznis i turizam uputio je inicijativu MUP-u KS, broj: 04-GV-04-484-4.2/22 od 04.04.2022. godine, sljedećeg sadržaja:

„Upućuje se inicijativa MUP-u KS da poduzme potrebne mjere i aktivnosti, u okviru svoje nadležnosti, kako bi se preveniralo okupljanje džeparoša i prosjaka u Sarajevu na turističkim lokacijama, a posebno u turističkoj sezoni.”

Odgovor:

Ministarstvo unutrašnjih poslova Kantona Sarajevo dostavilo je odgovor na navedenu inicijativu, broj: 07-04-3426/22 od 27.05.2022. godine, koja se dostavlja u prilogu.

18. Na 15. sjednici Gradskog vijeća Grada Sarajeva, održanoj 27.04.2022. godine, gradski vijećnik Adi Škaljić uputio je inicijativu sljedećeg sadržaja:

„Potrebno je da Grad Sarajevo razmotri mogućnost izrade interaktivnih tabli znamenitosti sa QR kodom koji bi korisnike vodio na stranicu sa detaljnim informacijama o određenim znamenitostima”.

Odgovor:

S tim u vezi obavještavamo Vas da Grad Sarajevo podržava inicijativu i rado će dati svoj doprinos u realizaciji iste ukoliko se za to ukaže potreba, budući da već postoje table sa istaknutom aplikacijom [guide2sarajevo.com](https://www.guide2sarajevo.com) za download sa platforme GooglePlay i AppStore, koja između ostalog sadrži audio vodiče za graditeljsko nasljeđe grada Sarajeva koju je kreirala Općina Stari Grad. U tom smisu obratit ćemo se Turističkoj zajednici Kantona Sarajevo i Općini Stari Grad kako bi se utvrdilo da li su svi značajniji objekti obuhvaćeni pomenutom aplikacijom i da li je potrebna dopuna iste.

19. Na 15. sjednici Gradskog vijeća Grada Sarajeva, održanoj 27. aprila 2022. godine, gradski vijećnik Adi Škaljić uputio je inicijativu sljedećeg sadržaja:

„Potrebno je da Grad Sarajevo razmotri mogućnost sufinansiranja organizacije 2. Internacionalnog pijanističkog takmičenja/natjecanja Memorijal Matusja Blum koji će se održati u Sarajevu od 04. do 08. maja tekuće godine.“

Odgovor:

Udruženje kreativne i kulturne industrije MUK obratilo se Gradskoj upravi Grada Sarajeva Zahtjevom za podršku realizaciji projekta Internacionalno pijanističko takmičenje „Memorijal Matusja Blum“, koji je zaprimljen na protokol Grada Sarajeva pod brojem 10-11-2934/22 dana 30.03.2022. godine. Internacionalno pijanističko takmičenje „Memorijal Matusja Blum“ održano je u periodu od 04. do 08. maja 2022. godine. Gradska služba za obrazovanje, sport, kulturu i mlade (u daljnjem tekstu: Služba) razmatrala je pristigli Zahtjev te je utvrdila da Udruženje kreativne i kulturne industrije MUK ispunjava kriterije iz Pravilnika o kriterijima za prihvatanje pokroviteljstva Grada Sarajeva („Službene novine Kantona Sarajevo“, broj 32/17). Služba je gradonačelnici Grada Sarajeva dostavila svoj prijedlog sa visinom odobrenih sredstava. Imajući u vidu naprijed izneseno, gradonačelnica Grada Sarajeva je cijeneći značaj realizacije projekta, te uvažavajući prijedlog Službe, donijela Odluku o prihvatanju pokroviteljstva Grada Sarajeva 01/10-11-2934-2/22 od 29.04.2022. godine podržavši organizaciju ovog takmičenja u skladu sa mogućnostima iznosom od 1.000,00 KM.

20. Na 15. sjednici Gradskog vijeća Grada Sarajeva, održanoj 27.04.2022. godine, gradski vijećnik Adi Škaljić uputio je inicijativu sljedećeg sadržaja:

„Potrebno je da Grad Sarajevo razmotri mogućnost izrade interaktivne mape Sarajeva sa znamenitostima grada Sarajeva, a koja bi bila istaknuta na web stranici Grada Sarajeva.”

Odgovor:

S tim u vezi obavještavamo Vas da Grad Sarajevo podržava inicijativu, te budući da Turistička zajednica Kantona Sarajevo na svojoj web stranici www.visitsarajevo.ba ima Interaktivnu mapu (Interactive map) sa znamenitostima, gdje se odabirom određene znamenitosti mogu dobiti informacije o istoj, kao i navođenje na dodatne linkove sa više informacija, smatramo da se na stranici Grada Sarajeva, www.sarajevo.ba treba postaviti link za pristup stranici www.visitsarajevo.ba. Napominjemo da postoji još nekoliko stranica sa podacima o graditeljskom nasljeđu, značajnim mjestima za posjetu i slično, kao što je www.navigator.ba, te www.kons.gov.ba (stranica Komisije za očuvanje nacionalnih spomenika BiH).

21. Na 15. sjednici Gradskog vijeća Grada Sarajeva, održanoj 27.04.2022. godine, gradska vijećnica Biljana Lazarević uputila je vijećničku inicijativu sljedećeg sadržaja:

„Potrebno je da se u Program tekućeg održavanja spomenika i umjetničkih skulptura od značaja za Grad Sarajevo uvrsti i održavanje spomen ploče u ulici Jukićeva broj 69.”

Odgovor:

S tim u vezi obavještavamo Vas da će nadležna služba uvrstiti i održavanje spomen ploče u ulici Jukićeva broj 69 u redovne aktivnosti, odnosno Program održavanja spomenika Grada Sarajeva. Važno je napomenuti da ova spomen ploča nije u Registru spomenika od značaja za Grad Sarajevo, odnosno da je ovu spomen ploču podigao neki drugi nivo vlasti, da li općinski ili kantonalni, a koji je dužan voditi brigu i redovno održavati spomen ploču. S tim u vezi nadležna služba će istražiti čija je obaveza održavanje ove spomen ploče te pokrenuti aktivnosti na animiranju nadležnih službi.

22. Na 15. sjednici Gradskog vijeća Grada Sarajeva, održanoj 27.04.2022. godine, zamjenik predsjedavajućeg Gradskog Vijeća Dragan Stevanović uputio je vijećničko pitanje sljedećeg sadržaja:

„Potrebno je da Grad Sarajevo razmotri mogućnost poduzimanja mjera zaštite nacionalnog spomenika Vječna vatra (ograda ili stalno obezbjeđenje) kako bi se zaštitio od neprimjerenog ponašanja, odnosno sknavljenja.”

Odgovor:

S tim u vezi obavještavamo Vas da je nadležna služba u stalnom kontaktu sa MUP-om po ovom pitanju, odnosno da se redovno traži obilazak spomenika policijskih patrola. Svjesni smo da se s vremena na vrijeme dešava sknavljanje ovog značajnog spomenika te smo iz tog razloga angažovali firmu koja ima zadatak posebnog održavanja spomenika i hitnih urgencija po potrebi.

Važno je istaći da je Vječna vatra spomenik pod zaštitom Zavoda za zaštitu kulturno-historijskog i prirodnog naslijeđa te podliježe posebnoj zaštiti.

Obzirom na tu činjenicu, nadležna služba će pokrenuti aktivnosti na kompletnoj restauraciji spomenika i iznalažanju adekvatnog načina zaštite u saradnji sa stručnjacima nadležnog Zavoda.

23. Na 15. sjednici Gradskog vijeća Grada Sarajeva, održanoj 27.04.2022. godine, gradska vijećnica Enisa Spahić podsjetila je na inicijativu koju je podnijela na sjednici Gradskog vijeća održanoj 26.01.2022. godine, a koja se odnosi na izdavanje urbanističke saglasnosti za postavljanje Spomen ploče kod kasarne u Rajlovacu ubijenim vojnicima bataljona Vojne policije brigade taktičke podrške Oružanih snaga BiH, Nedeljku Radiću i Arminu Salkiću te zatražila da se dostavi odgovor na istu.

Odgovor:

S tim u vezi obavještavamo da je nadležna služba dostavila Vašu inicijativu Komisiji za spomenike Gradskog vijeća Grada Sarajeva te je navedena komisija u svom Izvještaju po ovoj inicijativu zauzela sljedeći stav:

„Poslije diskusije, na prijedlog predsjedavajućeg, Komisija za spomenike sa dva glasa „za“ i četiri „suzdržana“ glasa nije usvojila zaključak kojim bi se Inicijativa gradske vijećnice Enise Spahić za postavljanje spomen-ploče ubijenim vojnicima kod kasarne Rajlovac ocijenila inicijativom za podizanje spomen-ploče od značaja za Grad Sarajevo u skladu s članom 3. Odluke o spomenicima od značaja za Grad Sarajevo („Službene novine Kantona Sarajevo”, broj 49/19), te poziva gradonačelnicu da u tom smislu uputi odgovor inicijatoru”.

Važno je da uvažena vijećnica razumije da Grad Sarajevo nije nadležan za izdavanje urbanističke saglasnosti po ovom pitanju, već nadležna općina. Također, sugerišemo da se inicijator obrati nadležnoj općini sa istim zahtjevom, a Grad Sarajevo (Služba za urbano planiranje, investicijske, stambene i komunalne poslove) stoji na raspolaganju za sve eventualne sugestije i aktivnosti koje su potrebne za podizanje navedene spomen-ploče.

24. Na 15. sjednici Gradskog vijeća Grada Sarajeva, održanoj 27.04.2022. godine, gradska vijećnica Enisa Spahić podsjetila je na inicijativu koju je podnijela na sjednici održanoj 27.10.2021. godine. Inicijativa glasi:

„Da Grad Sarajevo dostavi odgovor u kojoj je fazi, odnosno šta je do sada urađeno vezano za usvojenu inicijativu u oktobru 2021. godine, a koja se tiče za izrade registra, plana uklanjanja i zamjene opasnih azbestnih krovova, fasada, cijevi, u saradnji sa nadležnim u Kantonu Sarajevo na području grada Sarajeva.“

Odgovor:

Grad Sarajevo je predmetnu inicijativu u cijelosti dostavio na razmatranje i daljnje postupanje Ministarstvu komunalne privrede infrastrukture, prostornog uređenja, građenja i zaštite okoliša Kantona Sarajevo (broj 09-04-6691-1/21 od 30.11.2021. godine) te zaprimio Odgovor od Ministarstva koji vam dostavljamo u prilogu.

25. Stav u vezi sa inicijativom Komisije za odnose s vjerskim zajednicama i crkvama, veza akt: 04-GV-04-687-2/22, od 14.04.2022. godine

Komisija za odnose s vjerskim zajednicama i crkvama uputila je inicijativu u tekstu kako slijedi:

„Potrebno je da Grad Sarajevo razmotri mogućnost da se u saradnji sa Turističkom zajednicom KS izradi vjerski turistički vodič te ukoliko se Grad Sarajevo odluči za realizaciju ove inicijative da se u pripremi izrade samog vodiča, prijedlog sadržaja u vidu informacije, uputi Gradskom vijeću na razmatranje kako bi ova Komisija bila u prilici dati svoje mišljenje.“

Odgovor:

U vezi navedenoga, kao gradonačelnica, stava sam da se radi o korisnoj inicijativi i inicijativi koja bi prvenstveno bila od značaja za turizam u KS, tako da bi bilo ispravno da nositelj ovakvog projekta bude Turistička zajednica KS. Saradnju na ovakvom projektu, ukoliko se Grad Sarajevo odluči za realizaciju ove inicijative, ispred Grada Sarajeva i mene kao izvršnog organa, vršila bi nadležna gradska služba koja prati oblast turizma, tj. Gradska služba za lokalno poslovanje. Po potrebi, za saradnju sa vjerskim zajednicama i crkvama, asistenciju bi pružila i Gradska služba za lokalnu samoupravu iz djelokruga svoga rada i u skladu sa važećim propisima.

Važno je istaći da je, već na početku svakog projekta pa i ovoga, važno znati i koja su potrebna sredstva za njegovu realizaciju i da li su obezbjeđena u budžetima za projekat, itd. Što se tiče „prijedloga sadržaja“ ovakvog vodiča i upućivanja informacije radi razmatranja na sjednici Gradskog vijeća i Komisije, podnosioca Inicijative, sasvim je sigurno da je to moguće, ako se partneri na projektu tako usaglase u nekom budućem pravnom aktu, npr. sporazumu o saradnji ili ugovoru o realizaciji projekta i/ili slično.

26. Stav u vezi sa inicijativom Odbora za društvene djelatnosti, veza akt: 01-GV-02-655-3.1.1/22, od 27.04.2022. godine

Odbor za društvene djelatnosti uputio je inicijativu, u tekstu kako slijedi:

„Potrebno je da Gradsko vijeće Grada Sarajeva preispita Odluku o načinu sticanja statusa udruženja i fondacija od posebnog značaja za Grad Sarajevo („Službene novine Kantona Sarajevo“, broj 51/21) kako bi se utvrdili precizniji kriteriji, odnosno uslovi za finansiranje udruženja.“

Odgovor:

U vezi navedenoga, kao gradonačelnica, stava sam da ukoliko Gradsko vijeće podrži ovu Inicijativu, odmah i utvrdi preciznije kriterije o kojima je riječ i na koje se misli, obzirom da je predmetna Odluka usvajana u redovnoj proceduri, tj. prvo u formi nacarta, potom je provedena javna rasprava na nacrt odluke i konačno je izrađen prijedlog odluke koji je upućen na usvajanje na sjednici Gradskog vijeća. Nažalost, u javnoj raspravi nije bilo prijedloga, primjedbi i sugestija, a svako konkretno preciziranje koje bi učinilo svaki, a sada i ovaj gradski propis boljim i efikasnijim, poželjno je i dobrodošlo. Nadležna služba Gradske uprave će izraditi Odluku o izmjenama i dopunama Odluke o načinu sticanja statusa udruženja i fondacija od posebnog značaja za Grad Sarajevo te će propisana procedura biti zadovoljena, sama Odluka preispitana i u konačnici unaprijeđen važeći gradski propis i odnosi u oblasti koju regulišemo ovim gradskim propisom.

27. Na 15. sjednici Gradskog vijeća Grada Sarajeva, održanoj 27.04.2022. godine, Odbora za javne službe, infrastrukturu i javni saobraćaj uputio je inicijativu slijedeće sadržaja:

„Potrebno je da Grad Sarajevo pokuša nabaviti lokomotivu popularnog „Ćire“ koja bi se postavila kraj obnovljene željezničke stanice na Bistriku i koja bi bila začetak muzejske postavke saobraćaja u Sarajevu uz prikazivanje filma o ispraćaju „Ćire“ POD NAZIVOM „Posljednji skretničar“ iz sedamdesetih godina“.

Odgovor:

S tim u vezi obavještavamo Vas da Grad Sarajevo podržava inicijativu te će učiniti napore iz svoje nadležnosti da pronađe prihvatljiv primjerak lokomotive koji bi se u vidu samostojećeg eksponata našao uz obnovljenu željezničku stanicu Bistrik.

28. Na 15. sjednici Gradskog vijeća Grada Sarajeva, održanoj 27.04.2022. godine, Odbor za urbanizam i upotrebu lokalnog zemljišta uputio je inicijativu sljedećeg sadržaja:

„Potrebno je da Grad Sarajevo razmotri mogućnost osiguranja dodatnih sredstava za finansiranje restauracije, odnosno kolorističke obnove fasada na objektima od kulturno-historijskog značaja u gradu Sarajevu.“

Odgovor: Projekat sanacije, restauracije, kolorističke obrade fasada na području grada Sarajeva je projekat koji Gradska uprava realizuje već dugi niz godina. Ovaj projekat ima za cilj obnoviti što veći broj objekata fasada graditeljskog naslijeđa čija će realizacija u konačnici doprinijeti ljepšoj urbanističkoj slici grada.

U dosadašnjem periodu vršene su aktivnosti na obnovi fasada u Štrosmajerovoj ulici, čemu su prethodile radnje na izradi projektne dokumentacije, vršenje geodetskih snimanja, pribavljanja saglasnosti nadležnih institucija obzirom da se radi o objektima od kulturno-historijskog značaja, pribavljanja suglasnosti etažnih vlasnika objekata te samo izvođenje radova.

Trenutno se vrše aktivnosti na pribavljanju potrebnih saglasnosti za obnovu fasade objekta „Gospođicina kuća“ u ulici Hamdije Kreševljakovića 1. Planirano je da se nakon pribavljanja svih saglasnosti pristupi radovima na obnovi ove fasade.

Grad Sarajevo, putem Službe za urbano planiranje, investicije, komunalne i stambene poslove, će i u narednom periodu nastaviti ove aktivnosti, a sve u cilju obnove što većeg broja fasada u našem gradu. Potrebno je naglasiti da obnova fasada na objektima od kulturno-historijskog značaja u gradu Sarajevu iziskuje značajna novčana sredstva i saglasnosti drugih institucija te da će dinamika realizacije ovog projekta zavisiti od ovih faktora. Služba će predložiti osiguranje većih iznosa za ovu namjenu kroz budžet narednih godina.

29. Na 15. sjednici Gradskog vijeća Grada Sarajeva, održanoj 27.04.2022. godine, gradski vijećnik Seid Škaljić uputio je vijećničko pitanje sljedećeg sadržaja:

1. „Koja je visina naknade i način plaćanja korištenja uređenih korita i obala na području grada Sarajeva za postavljanje reklamnih panoa?“
2. Na osnovu čega su uklonjeni reklamni panoi kod mosta Drvenija u okviru vodotoka rijeke Miljacke i da li je Grad Sarajevo imao potrebne saglasnosti za postavljanje istih.“

Odgovor:

S tim u vezi, obavještavamo da je:

1. Visina naknade i način plaćanja korištenja uređenih korita i obala na području grada Sarajeva definisana „Pravilnikom o visini naknade i načinu plaćanja za korištenja uređenih korita i obala vodotoka na području grada Sarajeva za 2022. godine („Službene novine Kantona Sarajevo“, broj 2/22).
2. Grad Sarajevo odlučuje o korištenju uređenih korita i obala na području grada Sarajeva, odnosno daje saglasnosti ili odbija zahtjeve zainteresovanim pravnim i fizičkim licima koji podnesu zahtjev za korištenje uređenih korita i obala. Grad Sarajevo sam ne postavlja reklamane panoje te samim tim ne pribavlja ni dozvole već ih daje zainteresovanim licima, u skladu sa „Pravilnikom o visini naknade i načinu plaćanja za korištenja uređenih korita i obala vodotoka na području grada Sarajeva za 2022. godine“ („Službene novine Kantona Sarajevo“, broj 2/22). U samom procesu postavljanja reklamnog pano, zainteresovano lice dužno je, pored naše saglasnosti, pribaviti i neophodne dozvole od nadležne općine. Za konkretnu

lokaciju nisu postojale važeće saglasnosti Grada Sarajeva, a uklanjanje je izvršila Općina Centar.

30. Na 15. sjednici Gradskog vijeća Grada Sarajeva, održanoj 27.04.2022. godine, gradski vijećnik Seid Škaljić uputio je vijećničko pitanje sljedeće sadržaja:

„Potrebno je dostaviti informaciju o tome koliko je Grad Sarajevo, u aktuelnom mandatu, izdvojio sredstava za najam vozila za potrebe Grada?“

Odgovor:

Grad Sarajevo je u aktuelnom mandatu izdvojio sredstva u ukupnom iznosu od 4.771,91 KM (slovima: četirihiljadestamstotinasedamdesetjedna i 91/100 konvertibilnih maraka) za najam vozila.

31. Na 15. sjednici Gradskog vijeća Grada Sarajeva, održanoj dana 27.04.2022. godine, gradski vijećnik Vedran Dodik uputio je inicijativu sljedećeg sadržaja:

„Potrebno je da Grad Sarajevo uputi inicijativu Kantonu Sarajevo, odnosno zahtjev Ustavnom sudu FBiH za preispitivanje imena Kantona Sarajevo.“

Odgovor:

Navedena inicijativa prosljeđena je Ustavnom sudu Federacije Bosne i Hercegovine dana 19.05.2022. godine.

Ustavni sud Federacije Bosne i Hercegovine dostavio je odgovor na navedenu inicijativu dana 25.05.2022. godine, a koja se dostavlja u prilogu.

32. Na 15. sjednici Gradskog vijeća Grada Sarajeva gradski vijećnik Bajro Biber uputio je vijećničko pitanje sljedećeg sadržaja:

„Kako je došlo do toga da se građaninu za saniranje štete nastale u posljednjim poplavama u našem gradu isplati iznos od 17,50 KM, od sredstava koje je Gradu Sarajevo za ovu namjenu donirao Grad Novi Pazar.“

Odgovor:

Gradonačelnica Grada Sarajeva Benjamina Karić je na samoj sjednici dala odgovor na postavljeno pitanje.

33. Na 16. sjednici Gradskog vijeća Grada Sarajeva, održanoj 01.06.2022. godine, gradski vijećnik Almedin Miladin, u povodu razmatranja Informacije o realizaciji projekta rekonstrukcije i adaptacije objekta bivše zgrade SDK kod Vječne vatre, uputio je inicijativu sljedećeg sadržaja:

„Potrebno je da Grad Sarajevo izvrši uvid u stanje spomen-ploča poginulih boraca i šehida u školskim objektima koje su, nažalost, često u vrlo lošem stanju, te da se razmotri mogućnost da Grad Sarajevo u saradnji sa nadležnim subjektima poduzme sve da se ove ploče obnove.“

Odgovor:

S tim u vezi obavještavamo da je Grad Sarajevo nadležan za spomenike od značaja za Grad Sarajevo koje je sam podigao, odnosno ukupno 26 spomenika te da ih uredno održava.

Spomen-ploče poginulim boracima i šehidima u školskim objektima u Kantonu Sarajevo dužan je da održava onaj tko ih je postavio, u većini slučajeva mjesna općina. Postoji mogućnost i da je za njihovo održavanje nadležan Fond memorijala KS.

Grad Sarajevo će poslati urgenciju svim mogućim nadležnim institucijama da se razmotri mogućnost obnove ovih ploča, a obzirom da su u 2022. godini iscrpljena sredstva za ove namjene, bit će planirana sredstva u 2023. godini za obnovu ovih ploča kao sufinansiranje sa nadležnim subjektima.

34. Na 16. sjednici Gradskog vijeća Grada Sarajeva, održanoj 01.06.2022. godine, gradski vijećnik Elvedin Korora uputio je vijećničko pitanje sljedećeg sadržaja:

„Potrebno je Gradskom vijeću podnijeti informaciju o izgradnji biciklističke staze kroz općinu Novo Sarajevo.”

Odgovor:

S tim u vezi obavještavamo Vas da je za Grad Sarajevo projekat Biciklističke staze izradio Arhitektonski fakultet – Institut za arhitekturu, urbanizam i prostorno planiranje. Projekat je iz administrativnih razloga podijeljen u III faze po općinama. Realizacija na području općine Novo Sarajevo započeta je sa firmom Bosman d.o.o. Radovi su izvedeni djelimično, i to na dionici od autobusnog stajališta na Socijalnom do Veterinarskog fakulteta u dužini cca 380m i na dionici od Ferde Hauptmana do Vjetrenjače (Čengiće Vila) u dužini cca 200 m, iz razloga što je KJKP „Vodovod i kanalizacija” izvodio radove na izvođenju gradskog potisnog vodovodnog cjevovoda koji se preklapao sa trasom biciklističke staze.

Radovi na pomenutoj dionici realizirani su u 2021. godini do kraja građevinske sezone. Planiran je nastavak u 2022. godini, ali zbog promjena na tržištu u vidu značajnog uvećanja cijena materijala trenutno je došlo do obustave nastavka realizacije. Naime firma Bosman d.o.o. pismenim putem nas je obavijestila da po ugovorenim cijenama nije u mogućnosti nastaviti realizaciju. Grad Sarajevo razmatra raskid ugovora oko čega će se konsultovati sa Pravobranilaštvom Grada Sarajeva.

35. Na 16. sjednici Gradskog vijeća Grada Sarajeva, održanoj 01.06.2022. godine, gradski vijećnik Elvedin Korora uputio je inicijativu sljedećeg sadržaja:

„Potrebno je da Grad Sarajevo poduzme sve da se podvožnjak na Pofalićima osvijetli, uredi i okreči.”

Odgovor:

S tim u vezi obavještavamo da će nadležna služba Grada Sarajeva razmotriti predloženu inicijativu te eventualno ukoliko bude postojala mogućnost saradnje sa nadležnim institucijama koji upravljaju navedenim podvožnjakom, planirati sredstva za ovu namjenu u 2023. godini.

36. Na 16. sjednici Gradskog vijeća Grada Sarajeva, održanoj 01.06.2022. godine, gradski vijećnik Elvedin Korora uputio je vijećničko pitanje sljedećeg sadržaja:

„U kojoj je fazi sanacija Bob staze na Trebeviću? Da li je pripremljena tehnička dokumentacija i radi li se na rješavanju imovinsko-pravnih odnosa.”

Odgovor:

S tim u vezi obavještavamo Vas da je Vlada Kantona Sarajevo imenovala Tim za izradu plana za revitalizaciju i rekonstrukciju Trebevičke bob staze te da će radni Tim imenovan ispred Grada Sarajevo pravovremeno informisati Gradsko vijeće o poduzetim aktivnostima za predmetnu obnovu.

37. Na 16. sjednici Gradskog vijeća Grada Sarajeva, održanoj 01.06.2022. godine, gradski vijećnik Elvedin Korora uputio je inicijativu sljedećeg sadržaja:

„Potrebno je da Grad Sarajevo uputi inicijativu KJKP „Rad“ d.o.o. Sarajevo da se opere 'glavna ulica' u Sarajevu od Vijećnice prema Stupu.”

Odgovor:

S tim u vezi, obavještavamo da će nadležna služba Grada Sarajeva proslijediti navedenu inicijativu u KJKP „Rad“ d.o.o. Sarajevo.

38. Na 16. sjednici Gradskog vijeća Grada Sarajeva, održanoj 01.06.2022. godine, gradski vijećnik Vedad Deljković uputio je vijećničko pitanje sljedećeg sadržaja:

„U kojoj je fazi projekat revitalizacije Bijele tabije? Molim detaljnu informaciju.”

Odgovor:

Bijela tabija u Sarajevu je, Odlukom Komisije za očuvanje nacionalnih spomenika BiH, upisana na Privremenu listu nacionalnih spomenika pod rednim brojem 537. („Službeni glasnik Bosne i Hercegovine“, broj 33/02).

Također, Bijela tabija nalazi se u okviru Graditeljske cjeline – Stari grad Vratnik u Sarajevu koja je Odlukom Komisije za očuvanje nacionalnih spomenika BiH proglašena nacionalnim spomenikom Bosne i Hercegovine, na sjednici održanoj od 15. do 21. marta 2005. godine („Službeni glasnik BiH“, broj 20/08).

U proteklih 15 godina izdvojeno je cca 1.200.000,00 KM iz Budžeta Grada za konstruktivnu sanaciju, restauraciju, konzervaciju, rekonstrukciju, sistematska arheološka istraživanja lokaliteta, te radove na sanaciji i konzervaciji otkrivenih arheoloških zidnih struktura.

Također, izvršeno je privremeno ograđivanje kompleksa Bijela tabija, kako bi se ovaj vrijedni spomenik zaštitio od devastacije (ispisivanje grafita, odlaganje otpada i smeća i dr.).

S obzirom na značajna uložena sredstva iz Budžeta Grada Sarajeva, izrađen je Idejni projekat namjene i korištenja kompleksa Bijela tabija, autora akademika Zlatka Ugljena koji je ponudio izuzetno kreativno i bogato rješenje, sa velikom paletom funkcija i sadržaja koji omogućavaju funkcionisanje kompleksa tokom čitave godine.

Idejni projekat uvažava sva završena sistematska arheološka istraživanja lokaliteta Bijela tabija. Projektant je u saradnji sa Stručnom komisijom uvažio sve primjedbe i sugestije koje se odnose na zaštitu i prezentaciju kulturno-historijskog naslijeđa. Sa aspekta oblikovanja, dato je rješenje u kojem je naglašena distinkcija između starog i novog (postojećeg i projektovanog).

Autor je projektovanju pristupio na savremen način, respektirajući restauratorske i konzervatorske metodološke principe te koristeći savremene materijale.

Transformacija kulturno-historijskog prostora usklađena je sa zahtjevima struke i kroz date detalje organizacije i namjene prostora, uvezane tradicionalnim elementima i izuzetnim hortikulturnim rješenjem, ne narušava autentičnost zaštićenog kompleksa Bijele tabije.

Prostor unutar zidina tabije projektovan je kao otvorena ljetna pozornica sa gledalištem i svim pratećim sadržajima za potrebe izvođača.

Na prilaznom platou predviđeni su ugostiteljski sadržaji u nizu objekata u duhu bosanske arhitekture sa otvorenim i atrijalnim prostorima koji povezuju objekte. Također, polivalentna dvorana koja izrasta iz ostataka kamenih ruševina bivše vojne konjušnice služila bi za različite

društvene manifestacije (muzičke i dramske priredbe, izložbe, seminari, kongresi, vjenčanja, proslave, modne revije, turniri, itd.). Prilazni dio tvrdavi, sa pogledima prema gradu, smjenjivanjem zelenih i uređenih pješačkih prostora simbolizuje periode od nastanka grada Sarajeva do danas.

Uvažavajući činjenicu da se radi o nacionalnom spomeniku BiH te da Grad Sarajevo u narednom periodu planira pokrenuti aktivnosti na izradi izvedbene projektne dokumentacije, dana 13.10.2021. godine upućen je zahtjev Komisiji za očuvanje nacionalnih spomenika BiH za dostavu mišljenja o Idejnom projektu prof. Zlatka Ugljena.

S obzirom da nakon 5 mjeseci od upućenog zahtjeva za dostavu mišljenja o Idejnom projektu, Komisija za očuvanje nacionalnih spomenika BiH nije dostavila traženo, dana 10.03.2022. godine Grad Sarajevo je uputio urgenciju Komisiji.

Dana 07.06.2022. godine upućena je ponovo urgencija Komisiji.

Do danas Grad Sarajevo nije zaprimio očitovanje Komisije, što stvara prepreku za nastavak realizacije ovog vrlo važnog projekta. Dakle, već 8 mjeseci Grad Sarajevo čeka Mišljenje od Komisije i totalno je blokiran daljnji rad na izradi projektne dokumentacije.

Uvažavajući sve naprijed navedene činjenice, dana 07.06.2022. godine Grad Sarajevo je uputio dopis i Uredu UNESCO-a u BiH sa molbom da se u okviru svojih mogućnosti i ovlasti uključe u rješavanje problema nerealno duge procedure za davanje Mišljenja od strane Komisije za ovaj veoma značajan projekat, u cilju očuvanja naše historije i kulturne baštine, te stvaranja atraktivnog sadržaja za građane i turiste koji posjećuju našu državu i grad Sarajevo.

39. Na 16. sjednici Gradskog vijeća Grada Sarajeva, održanoj 01.06.2022. godine, gradski vijećnik Vedad Deljković uputio je inicijativu sljedećeg sadržaja:

„U saradnji sa četiri gradske općine, tražim da se provjeri ispravnost i dostupnost hidrantskih mreža. Poslije ove aktivnosti, potrebno je na vidnom mjestu u općinama istaknuti lokacije hidranata, njihovu ispravnost (sa datumom pregleda) i o ovome upoznati vatrogasne, policijske i sve druge relevantne institucije.“

Odgovor:

S tim u vezi obavještavamo Vas da će nadležna služba Grada Sarajeva proslijediti navedenu inicijativu prema gradskim općinama i nadležnom ministarstvu KS i PVB KS (Profesionalna vatrogasna brigada Kantona Sarajevo) te zatražiti saradnju po ovom pitanju kao bi dobili adekvatne, precizne odgovore i rezultate.

40. Na 16. sjednici Gradskog vijeća Grada Sarajeva održanoj 01.06.2022. godine, vijećnik Vedad Deljković uputio je vijećničko pitanje sljedećeg sadržaja:

„Tražim na uvid Plan zaštite od požara za područje Grada Sarajeva, kao i interni Pravilnik o zaštiti od požara za Gradsku upravu.“

Odgovor:

Grad Sarajevo, kao organ državne službe, ne raspolaže jedinstvenim Planom zaštite od požara za područje Grada Sarajeva, iz razloga specifičnosti organizacije i ustavnog položaja Grada Sarajeva kao jedinice lokalne samouprave koja se sastoji od četiri Gradske općine. Naime svaka od tih općina, Odlukom o organizaciji organa uprave, formira Službu nadležnu za poslove civilne zaštite, koje, u

skladu sa odredbama Zakona o zaštiti od požara i vatrogastvu FBiH („Službene novine FBiH“, broj 64/09), izrađuju plan zaštite od požara općine i osiguravaju njegovu realizaciju uz učešće drugih općinskih službi.

U prilogu odgovora na vijećničko pitanje dostavljamo kopiju Pravilnika o zaštiti od požara u organu uprave Grada Sarajeva broj:04-04-5290/20 od 01.10.2020. godine.

41. Na 16. sjednici Gradskog vijeća Grada Sarajeva, održanoj 01.06.2022. godine, gradski vijećnik Elvedin Korora uputio je inicijativu sljedećeg sadržaja:

„Potrebno je da Grad Sarajevo Mjesnoj zajednici Župča, općina Breza, donira jarbol i zastavu Bosne i Hercegovine.”

Odgovor:

U Budžetu Grada Sarajeva za 2022. godinu nisu planirana sredstva za ovu namjenu.

Pregled odgovora na vijećnička pitanja i inicijative upućenih na sjednicama Gradskog vijeća Grada Sarajeva u 2021. godini, a čiji su odgovori pristigli u tekućoj godini, kako slijedi:

1. Na 7. sjednici Gradskog vijeća Grada Sarajeva, održanoj 27.10.2021. godine, vijećnik Gradskog vijeća Grada Sarajeva Samir Bejić uputio je sljedeće inicijative:

- U Budžetu Grada Sarajevo za 2022. godinu planirati sredstva za finasiranje/sufinansiranje kupovine karata/ulaznica za usluge koje pružaju preduzeća i ustanove čiji je osnivač Grad Sarajevo za uposlenike JU Dom zdravlja Kantona Sarajevo i JU Zavod za hitnu medicinsku pomoć koji su bili i koji su angažovani u Covid odjeljenjima Doma zdravlja Kantona Sarajevo.
- U Budžetu Grada Sarajevo za 2022. godinu planirati sredstva za nabavku odgovarajuće opreme – odijela za uposlenike JU Dom zdravlja Kantona Sarajevo i JU Zavod za hitnu medicinsku pomoć koji su angažovani u Covid odjeljenjima Doma zdravlja.

Odgovor:

U Budžetu Grada Sarajevo za 2022. godinu („Službene novine Kantona Sarajevo“, broj 2/2022) sredstva za realizaciju navedene inicijative nisu mogla biti planirana uzimajući u obzir budžetske obaveze koje Grad Sarajevo ima po osnovu obaveza započelih, a nedovršenih projekata uz koje se vežu i veliki izdatci za kamate i otplate po kreditu Razvojne banke FBiH iz 2020. godine.

U tekućoj 2022. godini će se uspostaviti i intenzivirati kontakti s JU Dom zdravlja Kantona Sarajevo i JU Zavod za hitnu medicinsku pomoć u cilju prikupljanja informacija o prioritnim potrebama zdravstvenih ustanova, kako bi se sredstva za njihovu nabavku mogla planirati u budžetu Grada Sarajevo za 2023. godinu, a o čemu će konačnu odluku donijeti Gradsko vijeće Grada Sarajeva.

2. Na 10. sjednici Gradskog vijeća Grada Sarajeva, održanoj 29.12.2022. godine, zamjenik predsjedavajućeg Gradskog Vijeća Dragan Stevanović uputio je vijećničko pitanje sljedećeg sadržaja:

„Potrebno je da gradonačelnica uputi nadležnom organu zahtjev da se svijetleći bilbord postavljen neposredno pored nacionalnog spomenika „Vječna vatra” ukloni, budući da sadržaj na reklamama istaknutim na bilbordu često nisu kompatibilni sa odavanjem počasti i polaganjem cvijeća brojnih delegacija u povodu obilježavanja datuma i događaja od značaja za grad Sarajevo i šire te da Gradsko vijeće o realizaciji ove inicijative bude što prije informisano.”

Odgovor:

S tim u vezi, obavještavamo Vas da će nadležna služba zatražiti od nadležne inspekcije Općine Centar uklanjanje pomenutog bilborda.

3. Na 9. sjednici Gradskog vijeća Grada Sarajeva, održanoj 01.12.2021. godine, zamjenik predsjedavajućeg Gradskog vijeća Dragan Stevanović je uputio vijećnička pitanja sljedećeg sadržaja:

1. „ U čijoj nadležnosti je briga o Hastahani, objektu koji je u vrlo ruševnom stanju, a koji je bio prva civilna bolnica u gradu Sarajevu iz Osmanskog perioda i koji se nalazi na Kovačima?“
2. „ Da li je objekat Hastahana na Kovačima proglašen kulturno-historijskim naslijeđem?“

Odgovor:

Odlukom Povjerenstva za očuvanje nacionalnih spomenika, na sjednici održanoj od 16. do 22. siječnja 2007. godine, Graditeljska cjelina – Hastahana (zgrada Vakufske bolnice) proglašena je nacionalnim spomenikom BiH („Službene novine BiH“, broj 3/08). Nacionalni spomenik se nalazi u istočnom dijelu Sarajeva, u starom dijelu grada u cjelini Baščaršije, na križanju ulica Halilbašića i Nadmlini (objekti u ulicama Halilbašića 16 i Nadmlini 11). Obuhvata prostor na k.č. br. 180 i 181 (novi premjer) što odgovara k.č. br. 80 (stari premjer), k.o. Sarajevo I, z.k. uložak br. XCVII/69, državna svojina – nositelj raspolaganja Općina Stari Grad Sarajevo, izvorno vlasništvo Gazi Husrevbegova vakufa, Općina Stari Grad Sarajevo, Federacija Bosne i Hercegovine, Bosna i Hercegovina. Nacionalni spomenik se sastoji od: Hastahane (zgrada Vakufske bolnice), objekta u dvorištu (sastavni dio Vakufske bolnice), pomoćnih objekata i pripadajućeg dvorišta.

U skladu sa članom 2. ove Odluke, Vlada Federacije Bosne i Hercegovine je dužna osigurati pravne, znanstvene, tehničke, administrativne i finansijske mjere za zaštitu, konzervaciju, prezentaciju i rehabilitaciju nacionalnog spomenika.

4. Na 7. sjednici Gradskog vijeća Grada Sarajeva, održanoj 27.10.2021. godine, vijećnica Gradskog vijeća Grada Sarajeva Marijela Hašimbegović uputila je inicijativu za pokretanje Adventa u Sarajevu.

Odgovor:

Iako se radi o inicijativi koja je vrijedna pažnje, u 2021. nije mogla biti ozbiljno i u cijelosti razmotrena, jer je stigla relativno kasno, a u Budžetu Grada Sarajeva nije bilo predviđenih finansijskih sredstava za te namjene.

Ipak, Grad Sarajevo je 24.12.2021. organizovao ulični koncert hora Art Vivo ispred Katedrale Srca Isusova na kojem je dio repertoara usklađen s božićnim blagdanima. Izvedbi je prisustvovao veliki broj sugrađana i stranih turista. Koncert je putem live streama direktno prenošen.

Također, Grad Sarajevo je učestvovao u postavljanju i ukrašavanju blagdanskog drveta ispred Katedrale.

Ni u Budžetu za 2022. godinu nisu predviđena sredstva za ovu namjenu. Ipak, Grad Sarajevo će nastojati i ove godine uraditi isti ili sličan program i pokušati ga obogatiti, uvažavajući prijedloge vijećnice Hašimbegović.

5. Na 10. sjednici Gradskog vijeća Grada Sarajeva, održanoj 29.12.2022. godine, gradski vijećnik Muamer Mekić uputio je vijećničko pitanje sljedećeg sadržaja:

„Potrebno je da Grad Sarajevo razmotri mogućnost podizanja spomen-ploče poznatom sarajevskom kolporteru Marku Didoiju, poznatijem kao Markan, na mjestu gdje je prodavao novine i koji je ostao upamćen kao simbol Carevog mosta.”

Odgovor:

S tim u vezi, obavještavamo Vas da će nadležna služba proslijediti Vašu inicijativu nadležnoj Komisiji za spomenika Gradskog vijeća Grada Sarajeva na daljnje razmatranje.

6. Inicijativa Gradskog vijeća Grada Sarajevo, broj: 04-GV-04-1478-4.1.1/21 od 29.12.2021. godine, kojom se traži od Ministarstva saobraćaja Kantona Sarajevo da izradi plan saobraćajnih turističkih ruta u gradu, upućena je Ministarstvu saobraćaja Kantona Sarajevo na nadležno postupanje.

Odgovor:

Nakon što dobijemo odgovor o navedenom ćete biti informisani.

7. Inicijativa Odbora za lokalni biznis i turizam, broj: 04-GV-04-1478-3/21 od 17.11.2021. godine, kojom se od gradonačelnice traži da od nadležnih općinskih organa traži da svojim propisima racionaliziraju parafiskalne namete, posebno za male privrednike i obrte, upućena je gradskim općinama na očitovanje i nadležno postupanje.

Odgovor:

Nakon što dobijemo odgovor, o navedenom ćete biti informisani.

Ujedno predlažemo da istu inicijativu vijećnici Gradskog vijeća podnesu općinama iz kojih dolaze.

8. Inicijativa Odbora za lokalni biznis i turizam, broj: 04-GV-04-1478-5/21 od 17.11.2021. godine, u kojoj se ukazuje na problem rada nelicenciranih turističkih vodiča na području grada Sarajeva i predlaže da gradonačelnica urgira kod nadležnih organa da poduzmu odgovarajuće mjere, upućena je Ministarstvu privrede Kantona Sarajevo na nadležno postupanje.

Odgovor:

Nakon što dobijemo odgovor o navedenom ćete biti informisani.

9. Odgovori na vijećnička pitanja/inicijative/prijedloge Komisije za ljudska prava i slobode, veza akt: 01-GV-02-1766-2.1/21 od 29.12.2021. godine.

Prijedlozi i/ili inicijative Komisije za ljudska prava i slobode razmotreni su i uvaženi u Budžetu Grada Sarajeva za 2022. i iz Budžeta za 2021. godinu, na sljedeći način:

1. Prijedlog Komisije i Aide Lihić, članice Komisije, vezan za „poduzimanje mjera zaštite ugroženih kategorija stanovništva, a vezano za obiteljsko-partnersko nasilje“, sa prilogom koji se odnosi na aktivnosti Fondacije Krila nade (FKN), broj: 04-GV-02-1211-3/21 od 11.10.2021. godine, uvažen je tako da:

U Budžetu Grada Sarajeva tradicionalno, već dugi niz godina, planiraju se sredstva za podršku projektu Fondacije lokalne demokratije „Sigurna kuća“, u kojoj su smještene žrtve nasilja u porodici i u kojoj im se obezbjeđuje sva dostupna pomoć.

Naime, Fondacija lokalne demokratije (u daljnjem tekstu: FDS) je lokalna nevladina organizacija koja je osnovana 1996. godine te posjeduje dugogodišnje iskustvo kao nosilac i kreator pozitivnih društvenih promjena, kao i zagovaranja i realizacije različitih projekata iz sfere zaštite ljudskih prava i sloboda i borbe protiv nasilja svake vrste, sa akcentom na podršku i zaštitu žrtvama nasilja u porodici.

FDS je pravna nasljednica Ambasade lokalne demokratije Barcelona – Sarajevo te u svom radu promoviše sljedeće:

Vizija: stvoriti društvo jednakih mogućnosti,

Misija: zaštita, promocija i unaprjeđenja ljudskih prava marginaliziranih grupa u BiH,

Principi: primarni fokus rada organizacije je u oblasti zaštite i unaprjeđenja ljudskih prava žrtava nasilja na osnovu spola; unaprjeđenjem zakonskog okvira, socijalnim, ekonomskim i obrazovnim programima osnažujemo žene u BiH za aktivno učešće u transformaciji bh. društva, u kojem će imati ravnopravnu ulogu u javnom i privatnom životu itd.

Imajući u vidu navedeno, kao i činjenicu da je jedina „Sigurna kuća“ na širem području Sarajeva projekat ove organizacije, te da je FDS jedna od prvih potpisnica Sporazuma o saradnji sa Gradom Sarajevom, Grad Sarajevo daje stabilnu podršku i sufinansira ovaj projekat i iz Budžeta Grada Sarajeva za 2022. godinu.

2. Prijedlog Komisije i Dženane Hadžimahmutović, članice Komisije, vezan za „prevenciju mentalnih oboljenja i oboljenja ovisnosti.“, broj: 04-GV-02-628-2/21 od 14.06.2021. godine.

Krajem decembra 2021. godine zatražena je i pružena podrška projektima „Psihoterapija za članove udruženja“, po zahtjevu Udruženja logoraša Novi Grad Sarajevo 92.-96., kao i finansijska podrška za potrebe „Preventivnih ljekarskih pregleda članova“ Udruženja logoraša i logorašica Novi Grad, u ukupnom iznosu od 5.000 KM (iz sredstava Tekuće rezerve Budžeta Grada Sarajeva za 2021. godinu, uz još pet drugih korisnika).

Naime, iako Grad nema nadležnosti u oblasti zdravstva, pa tako ni budžetske prihode za provođenje poslova ove nadležnosti, uvijek će se tražiti način za pružanje podrške projektima i korisnicima iz svake osjetljive kategorije naših sugrađana.

3. Prijedlog Komisije i Aide Lihić, članice Komisije, (broj: 04-GV-02-502-5/21, od 24.05.2021.) vezan za „inicijativu Gradskom vijeću Grada Sarajeva da gradonačelnica razmotri mogućnost sufinansiranja Povorke ponosa čije održavanje je planirano 2021. godine u Sarajevu“ je razmotren i konstatovano je da nije bilo podnesenog pisanog zahtjeva za planiranje budžetskih

sredstava za ovu namjenu od strane registrovanog pravnog lica-organizatora, niti u 2021. niti za 2022. godini.

10. Na 10. sjednici Gradskog vijeća Grada Sarajeva, održanoj 29.12.2021. godine, vijećnik Gradskog vijeća Grada Sarajeva Adi Škaljić uputio je inicijativu sljedećeg sadržaja:

- Formaliziranje saradnje između Grada Sarajeva i Općine Tirane

Odgovor:

U vezi sa podnesenom inicijativom, u toku su aktivnosti pripremnog karaktera, a sve u cilju konačne realizacije navedene inicijative, odnosno formaliziranja saradnje između Grada Sarajeva i Općine Tirane, potpisivanjem Sporazuma o saradnji.

11. Vijećnica Gradskog vijeća Grada Sarajeva Danijela Šahat podnijela je inicijative, broj 07-04-7197/21 od 20.12.2021. godine, sljedećeg sadržaja:

1. Za pomoć Udruženju Srce za djecu oboljelu od raka u aktivnosti terapijsko jahanje.

Odgovor:

U Budžetu Grada Sarajeva za 2022. godinu („Službene novine Kantona Sarajeva“, broj 2/2022) planirana su sredstva za Udruženje *Srce za djecu koja boluju od raka u FBiH* za Projekat „Roditeljska kuća“ Sarajeva u iznosu od 20.000,00 KM.

Također, Odlukom Gradskog vijeća Grada Sarajeva, sredstva planirana za Javni doček Nove 2022. godine preusmjerena su ovome Udruženju u iznosu od 50.000,00 KM („Službene novine Kantona Sarajeva“, broj 2/2022).

Shodno navedenom, Gradska uprava će Udruženju predložiti da se dio navedenih sredstava realizuje za aktivnosti terapijskog jahanja.

2. Da se pacijentima Doma Nahorevo – Dom za socijalno zbrinjavanje osoba s invaliditetom i drugih osoba, obezbijedi jednodnevna vožnja žičarom, kao i obilazak Vijećnice.

Odgovor:

U Budžetu Grada Sarajeva za 2022. godinu („Službene novine Kantona Sarajeva“, broj 2/2022) nisu planirana sredstva za ovu namjenu. Navedena inicijativa će biti proslijeđena JP Sarajeva d.o.o. koje upravlja objektom Vijećnica i žičarom, kako bi se razmotrila mogućnost realizacije iste.

Nakon što dobijemo odgovor o navedenom ćete biti informirani.

12. Na 10. sjednici Gradskog vijeća Grada Sarajeva, održanoj 29.12.2021. godine, usvojena je inicijativa vijećnice Enise Spahić kojom je zatraženo da se u saradnji s nadležnim u Kantonu Sarajeva razmotri mogućnost ujednačavanja uslova apliciranja, načina dokazivanja i odobreni iznosi oboljelim od celijakije u svim općinama u Kantonu Sarajeva.

Odgovor:

Shodno navedenom, Vladi Kantona Sarajeva proslijeđena je inicijativa Gradskog vijeća Grada Sarajeva na izjašnjenje.

Nakon što dobijemo odgovor o navedenom ćete biti informirani.

13. Na 10. sjednici Gradskog vijeća Grada Sarajeva, održanoj 29.12.2021. godine, gradska vijećnica Alma Čengić uputila je inicijativu sljedećeg sadržaja:

„Potrebno je da Grad Sarajevo finansira i kreira 3D mapu grada Sarajeva te da izradi 3D maketu grada Sarajeva po uzoru na maketu koja se nalazi u Brusa bezistanu, a koja bi bila izložena na jednom od lokaliteta u općini Stari Grad, kao što je trg ispred Vijećnice.

Inicijativa je u prilogu ovog akta.

Gradsko vijeće je podržalo podnesenu inicijativu na svojoj 11. sjednici, održanoj dana 26.01.2022 godine te je ona postala inicijativom Gradskog vijeća“.

Odgovor:

Grad Sarajevo podržava inicijativu te će nadležna Služba za urbano planiranje, investicije, stambene i komunalne poslove poduzeti aktivnosti na realizaciji predložene inicijative.

14. Na 10. sjednici Gradskog vijeća Grada Sarajeva, održanoj 29.12.2022. godine, zamjenik predsjedavajućeg Gradskog Vijeća Dragan Stevanović uputio je vijećničko pitanje sljedećeg sadržaja:

„Potrebno je da gradonačelnica uputi nadležnom organu zahtjev da se svijetleći bilbord postavljen neposredno pored nacionalnog spomenika „Vječna vatra” ukloni, budući da sadržaj na reklamama istaknutim na bilbordu često nisu kompatibilni sa odavanjem počasti i polaganjem cvijeća brojnih delegacija u povodu obilježavanja datuma i događaja od značaja za Grad Sarajevo i šire te da Gradsko vijeće o realizaciji ove inicijative bude što prije informisano.”

Odgovor:

S tim u vezi, obavještavamo Vas da će nadležna služba zatražiti od nadležne inspekcije Općine Centar uklanjanje pomenutog bilborda.

15. Na 9. sjednici Gradskog vijeća Grada Sarajeva, održanoj 01.12.2021. godine, gradska vijećnica Enisa Spahić uputila je vijećničku inicijativu sljedećeg sadržaja.

„Da se tekući transfer Udruženju „No Gluten“ na području Kantona Sarajevo, u Budžetu Grada Sarajeva za 2022. godinu planira u iznosu od 10.000,00 KM.”

Odgovor:

Budžetom za 2022. godinu Grad je, pod stavkom „Udruženje osoba oboljelih od celijakije „No Gluten“ KS, za nabavku i dodjelu bezglutenskih proizvoda članovima Udruženja, a u skladu sa svojim mogućnostima, planirao podršku u iznosu od 5.000 KM.

Ukoliko bude prostora u budžetu narednih godina, Grad bi vrlo rado razmotrio mogućnost povećanja stavke.

Treba istaći da se navedeno udruženje već godinama nalazi u Budžetu Grada Sarajeva, što pokazuje da Grad ima osjećaj za udruženja ovog tipa.

16. Na 9. sjednici Gradskog vijeća Grada Sarajeva, održanoj 01.12.2021. godine, gradska vijećnica Enisa Spahić uputila je vijećničku inicijativu sljedećeg sadržaja.

„Da Grad Sarajevo razmotri mogućnost sufinansiranja rekonstrukcije Trga Barcelone u općini Novi Grad, obzirom na projekat zajedničke kandidature Barcelone i Sarajeva za Olimpijske igre 2030. godine. Općina Novi Grad je, u Budžetu za 2022. godinu, planirala sredstva u iznosu od 100.000,00 KM, a što nije dovoljno za rekonstrukciju Trga.”

Odgovor:

Budući da nismo zaprimili zvaničan dopis Općine Novi Grad, kao i da Grad Sarajevo nema dokumentaciju za obnovu i rekonstrukciju Trga Barcelone, razlozi su što navedeni projekat nije našao svoje mjesto u Budžetu Grada Sarajeva u 2022. godini.

Također, želim da istaknem da se Općina Novi Grad nije očitovala ni u toku Javne rasprave, tako da nije postojala mogućnost da se samo na osnovu inicijative ovaj projekat uvrsti u Budžet, bez dokumentacije ili zvaničnog dopisa sa iznosom potrebnih sredstava.

17. Na 9. sjednici Gradskog vijeća Grada Sarajeva, održanoj 01.12.2021. godine, gradska vijećnica Marijela Hašimbegović uputila je vijećničku inicijativu sljedećeg sadržaja:

„Da Grad Sarajevo finansijski podrži projekat „Sarajevo grad mostova“ i gostovanje Narodnog pozorišta u gradovima Bosne i Hercegovine.”

Odgovor:

Prepoznajući značaj Narodnog pozorišta Sarajevo, Grad Sarajevo već duži niz godina ostvaruje saradnju sa ovom institucijom kulture te je redovno podržava kroz svoj Budžet. U tom smislu mišljenja smo da je ova inicijativa vrlo kvalitetna i da su predložene aktivnosti u gradovima Bosne i Hercegovina svrsishodne i potrebne.

Međutim, obzirom da je Budžet za 2022. godinu već usvojen, nismo u mogućnosti naknadno planirati gore pomenute aktivnosti kao zasebnu stavku.

Potrebno je da se Narodno pozorište Sarajevo obrati Gradu Sarajevu sa prijedlogom projekta i finansijskom konstrukcijom kako bi Gradska služba za kulturu, obrazovanje, sport i mlade mogla razmotriti zahtjev i odrediti da li je moguće i u kojem obimu podržati ovaj vrlo zanimljiv projekat.

18. Na 10. sjednici Gradskog vijeća Grada Sarajeva, održanoj 29.12.2021. godine, usvojena je inicijativa Odbora za lokalni biznis i turizam, broj 04-GV-04-1478-4.1.1/21 od 29.12.2021. godine, sljedećeg sadržaja:

„Odbor za lokalni biznis i turizam upućuje inicijativu Ministarstvu saobraćaja Kantona Sarajevo da izradi plan turističkih saobraćajnih ruta u gradu, odnosno Kantonu Sarajevo, kako bi turisti bili adekvatno informirani o najjednostavnijim pravcima kretanja, odnosno prostora za zaustavljanje i parkiranje u blizini glavnih turističkih destinacija. Traži se od Gradskog Vijeća da podrži ovu inicijativu kako bi ona postala inicijativom Gradskog vijeća te da zaduži gradonačelnicu da inicijativu uputi nadležnom ministarstvu na dalje postupanje.”

Odgovor:

Navedena inicijativa prosljeđena je Ministarstvu saobraćaja Kantona Sarajevo kako bi se razmotrila mogućnost realizacije iste.

U prilogu odgovor Ministarstva saobraćaja Kantona Sarajevo, broj 04-23-1720/22 MS od 28.01.2022. godine.

19. Na 9. sjednici Gradskog vijeća Grada Sarajeva, održanoj 01.12.2021. godine, gradski vijećnik Toni Vukadin uputio je vijećničku inicijativu sljedećeg sadržaja.

„Da Grad Sarajevo razmotri mogućnost nagrađivanja Reprezentacije BiH u sjedećoj odbojci koja je osvojila 10. titulu prvaka Evrope.”

Odgovor:

U ovom trenutku, nažalost, ne postoji mogućnost da se udovolji vijećničkoj inicijativi koja je podnesena u prošloj godini, jer su sredstva namijenjena za sport u 2021. godini potrošena.

Također, u Budžetu Grada Sarajeva za 2021. godinu planirana su sredstva u visini od 15.000 KM za nagrađivanje vrhunskih rezultata, a iznos za tu namjenu je preraspodjelom utrošen na podršku Paraolimpijskom timu BiH za pripreme i odlazak na Paraolimpijske igre u Tokiju 2020. godine. Grad Sarajevo je prepoznao značaj učešća naše najtrofejnije reprezentacije na Paraolimpijadi u Tokiju 2020. godine i u skladu sa tim, za razliku od drugih nivoa vlasti, odmah reagovao i uplatio sredstva. Naši odbojkaši su na tim igrama osvojili brončanu medalju, a najveći dio odobrenih sredstava je utrošen upravo na Reprezentaciju BiH u sjedećoj odbojci.

Budžetom Grada Sarajeva za 2022. godinu ponovo su planirana sredstva za nagrade za ostvarene vrhunske rezultate te će Grad Sarajevo prepoznati i adekvatno nagraditi vrhunske rezultate.

20. Na 10. sjednici Gradskog vijeća Grada Sarajeva, održanoj 29.12.2021. godine, usvojena je inicijativa gradske vijećnice Enise Spahić kojom je zatraženo da se u saradnji s nadležnim u Kantonu Sarajevo razmotri mogućnost ujednačavanja uslova apliciranja, načina dokazivanja i odobreni iznosi oboljelim od celijakije u svim općinama u Kantonu Sarajevo.

Odgovor:

Navedena inicijativa prosljeđena je Vladi Kantona Sarajevo 26.01.2022. godine.

Ministarstvo zdravstva Kantona Sarajevo dostavilo je odgovor na navedenu inicijativu 06.05.2022. godine, a koji se dostavlja u prilogu.

21. Na 4. sjednici Gradskog vijeća Grada Sarajeva, održanoj 19.07.2021. godine, gradska vijećnica Marijela Hašimbegović uputila je inicijativu za zajedničko djelovanje po pitanju podnošenja zahtjeva prema Kantonu radi izmjena Uredbe o obimu, uslovima i načinu ostvarivanja prava osiguranih lica Kantona Sarajevo na medicinska sredstva.

Gradsko vijeće Grada Sarajeva podržalo je podnesenu inicijativu, te je ona postala inicijativom Gradskog vijeća.

Odgovor:

Navedena inicijativa upućena je Vladi Kantona Sarajevo. Ministarstvo zdravstva Kantona Sarajevo 21.04.2022. godine prosljedilo je navedenu inicijativu Zavodu zdravstvenog osiguranja Kantona Sarajevo na nadležno postupanje.

Zavod zdravstvenog osiguranja Kantona Sarajevo 06.06.2022. godine dostavio je obavijest da će stručne službe Zavoda na prvu narednu redovnu sjednicu Upravnog odbora uputiti radni materijal sa zahtjevom za izmjene i dopune Uredbe.

Nakon što dobijemo stav Upravnog odbora Zavoda o navedenoj inicijativi, o istom ćemo informirati Gradsko Vijeće Grada Sarajeva.

22. Na 10. sjednici Gradskog vijeća Grada Sarajeva, održanoj 29.12.2021. godine, gradski vijećnik Almedin Miladin uputio je inicijativu sljedećeg sadržaja.

Potrebno je da Grad Sarajevo dodijeli zahvalnicu Nedimu Ramiću, jednom od najupornijih inicijatora obnove Trebevičke žičare, organizatoru tradicionalnog sanjkanja „Kroz mahale do grada” i brojnih drugih aktivnosti u cilju promocije olimpijskog duha, pozitivnog imidža grada kao humane sredine i mjesta ugodnog življenja.

Gradsko vijeće je podržalo podnesenu inicijativu na svojoj 11. sjednici, održanoj dana 26.01.2022. godine, te je ona postala inicijativom Gradskog vijeća.

Odgovor:

Inicijativa realizovana, obzirom da je gradonačelnica Grada Sarajeva aktom broj: 01/13-04-5206/22 od 04.07.2022. godine donijela Odluku o dodjeli priznanja – zahvalnica Grada Sarajeva.

23. Na 10. sjednici Gradskog vijeća Grada Sarajeva, održanoj 29.12.2021. godine, gradski vijećnik Almedin Miladin uputio je inicijativu sljedećeg sadržaja.

Potrebno je da Grad Sarajevo dodijeli odgovarajuće priznanje (zahvalnicu ili plaketu) posthumno, Šahinu Memetiju, uglednom ugostitelju i osnivaču i vlasniku kultne sarajevske ćevabdžinice “Željo” koji je učestvovao u brojnim humanitarnim akcijama, te svojim humanim djelima kontinuirano pomagao sugrađanima kojima je to bilo potrebno.

Zatražio je da se Gradsko vijeće Grada Sarajeva, na 11. sjednici izjasni o podnesenoj inicijativi.

Odgovor:

Inicijativa realizovana, obzirom da je gradonačelnica Grada Sarajeva aktom broj: 01/13-04-5205/22 od 04.07.2022. godine donijela Odluku o dodjeli priznanja – zahvalnica Grada Sarajeva.

III ZAKLJUČAK

Na sjednicama Gradskog vijeća Grada Sarajeva u tekućoj godini pristiglo je 13 pitanja i 68 inicijativa, dakle, ukupno 81 pitanje i inicijativa, na što je odgovoreno u 64 slučaja, uključujući odgovore na vijećnička pitanja i inicijative iz 2021. godine.

Potrebno je istaći, da se pitanja iz određene oblasti interesovanja ponavljaju, a razlozi su opravdani ukoliko na iste ne pristignu odgovori, a što se posebno odnosi na slučajeve kada su pitanja i inicijative upućene prema drugom subjektu, odnosno na tzv. „vanjske“ adrese.

Obzirom na navedeno, može se konstatovati da je proces izvršenja u većoj mjeri zastupljen pozitivno. Postavljena pitanja, upućene inicijative i dostavljeni odgovori dokazuju aktivnost i efikasnost u radu svih nadležnih organa Grada Sarajeva, a što podrazumijeva aktivnosti gradskih vijećnika Gradskog vijeća Grada Sarajeva i u vezi sa navedenim postupanje gradonačelnice Grada Sarajeva da putem gradskih službi za upravu i stručnih službi na postavljena pitanja i iznesene inicijative pravovremeno i adekvatno reaguje dostavljanjem odgovora Gradskom vijeću, odnosno postupanjem po iznesenim inicijativama gradskih vijećnika, tj. Gradskog vijeća.